

海琴僊館註鈔



92554

海琴仙館詩鈔卷四

過飛虹橋

清江流出曉雲中如繡田疇一水通十里春風香不斷  
菜花黃到石橋東

蹀躞

蹀躞孤雲逐深山晝易昏澗寒流石髓巖斷出藤根世  
路塵纓迫人生韋布尊徘徊空野外白日去無言

蛇山行

一名陸山在雲南省城北

東金馬西碧鷄中有蛇山高與齊大澤深巖廣蟠踞崢

卷四

嶸宛露頭角奇噓雲吐霧亂昏曉山耶蛇耶兀當道拔  
劍欲斬愁未遑黑水黓黓天蒼蒼朝飲金河爾不足夕  
飲銀河爾不足金汁銀汁二河皆在省城外橫吞更盡弱者肉金馬  
怯嘶鷄雌伏為鯨為鰐恣汝欲嗚呼為鯨為鰐而乃假  
之氣勢風雲從謂是霖雨蒼生之神龍

清明三首

黃綢睡起薄寒驚梁燕呢喃不惜聲塞雨邊風春幾許  
恩恩時節又清明

如絮春雲撲地柔芳郊處處踏青游蠻中兒女江南似  
楊柳為花插滿頭

國朝詩話  
大清圖  
不傳  
興化成占春梅叔  
卷四

后泉槐火思依依故事鄉關夢已稀卻憶諸昆煙雨際  
春波小艇上墳歸

送龔少尉紫垣文山

六年同事久分手一淒然花木春山路風雲絕塞天瘴  
深勤體衛官小仗聲賢宦從難量前途穩著鞭

水橋道中

穿樹人家見行來又隔谿竹雞松底竄花身柳邊曉碧  
草隨春遠青山向客低煙霞深伫望欲此問幽棲

野行

古逕松蘿深煙雲雜鸞鷲行行不逢人村犬時一吠淺

卷四

二

水流自長小橋斷無礙傍巖三兩家樵採足耕代野色  
娛春懷幽尋淡煩痲老鴉得意來飛鳴上牛背

送劉芝圃學博歸雲州時春盡日也

悵悵送君行知君共此情無因重晤訂且勸一樽傾花  
信曉風急蘭津春水生相畱應未可歸去只聲聲

六載荒涼境時時一往還交如君子淡官最廣文閒闖  
世滄桑後論詩水石間只今芳草碧空爲照離顏

時平身忽老官冷仕猶貧悟徹浮生幻收來晚境眞  
鵲催別日歸馬踏殘春劫盡枌榆在無爲更愴神

顧我誰與語分歧又到君乾坤殊落落離別况紛紛入

夢龍池月隨裝象嶺雲鄭虔歸有暇消息倘相聞

春閨

遲日簾開碧草齊春花坐見落成泥昨秋無路寒衣寄  
人在玉關西更西

睡起深閨緩攬衣爐香燼盡夢依稀子規不識長征處  
只傍紅窗苦喚歸

寄家書

天涯尺素報平安語亂愁多著筆難慚愧猶教商避債  
模糊強自說加餐緘歸遠志心尤苦憶到將離淚未乾  
一紙權當遊子面白頭知費倚燈看

卷四

三

易門插秧詞十二首詩雜上風語多俗俚是或竹  
枝遺意也

去秋穫稻秋蒼然今春播穀春光妍龍泉泱泱一渠水  
綠野冥冥三月天

爭說青青絕好秧茁如春韭嫩於桑纔過穀雨近芒種  
出水還抽幾寸長

山色週遭天氣清繞田布穀一聲聲慣行輕騎今官長  
遮莫親來又勸耕

西峯雲起東峯接朝雨纔過暮雨期明日只防工又貴  
家家爭欲插秧時

攜我犁鋤佩爾牛閉門早出向西疇還看烏犍勝黃犢  
一日耕田八九坵

耘田勿遺草一莖耕田須透泥百層田深耕淺泥如土  
儂指纖纖愁不勝

惱儂著手未停勻碎點斜行亂若蘋忽地濺將泥污面  
清波偷照一回身

綠蓑脫趁薄晴初插到中央汗灑如會記老農親說與  
立苗善法只疏疏

平陸淺水不沾裳岸草隄花約畧香何處熱來堪小憇  
梓潼廟外綠陰涼

卷四

四

饑我朝朝仗小姑輕提筐筥短披襦連肩試戴新羅合  
夷人謂笠為羅合遮得炎曦猛雨無

南北雙溝流不停高低栽插次相經吳家屯前  
卽東門外地水

便土腴秧最早插一片綠大小營邊幾點青

壩田滇南平壤概謂之壩子端比山田好晝水輪過夜水來  
龍泉輪放

有晝水夜燈火三更勤自灌勝他日日聽鳴雷  
山田又謂之雷

鳴田言待雨而耕也

空堂

花影一簾明空堂似水清閒如塵外寄悟向靜中生煙  
靄春城雨雲霞暮嶺晴棲枝爭不已翻惱眾禽聲

昭君

玉關楊柳度春遲  
毳帳寒深曉夢吹  
分得胭脂山色好  
畫圖應勝漢宮時

偶興

蔭窗蕉葉綠陰陰  
垂地簾波淡碧沈  
藥籠閒開塵影黯  
書函倦檢漏痕深  
夢如不惡從遲覺  
詩未能工強獨吟  
揮塵頓忘蠅擾擾  
玉壺清冷澈冰心

南中雜興六首

白巖疆域海南濱  
鬢濮人傳會孟津  
叩杖攜歸通漢使  
鬱刀貢入備唐臣  
鳥飛金縷嘉王兆  
花發銀稜大理春

卷四

五

太息虔陀輕召釁  
翻教玉斧隘經綸

西望龍關古戰場  
只今馮弔總荒涼  
漢唐剩迹迷春草  
蒙段遺墟滿夕陽  
鴻鴈歸時人出塞

時防邊諸軍聞已出關

鷓鴣

啼處客思鄉谿煙  
等雨愁無數  
歌渡蘭津欲斷腸

海氣浮沈蜃雨吹  
蒼茫夔國見聞奇  
沙壺漫紀洪荒事  
扈栗初開戰鬪時  
道險盤蛇天咫尺  
山藏神驥草迷離  
武侯遺讖蠻奴應  
倉卒誰憐泣什碑

白石金沙

元明入滇之師一自金沙江一自白石江

逝水奔版圖  
歸後事重

論蛟螭斷砌梁王殿  
翡翠殘花沐氏園  
一種消沈隨劫  
運兩朝興廢到邊垣  
緬江流血昆池濁  
萬里空悲杜宇

魂

六詔兵戈近可哀，潢池盜弄禍誰胎。  
坐教青犢狂氛起，看作紅羊浩劫來。  
烽燧廿年膏血盡，關山百戰瘴煙開。  
卽今厝火憂荒服，保障遺資柱石才。

天涯底事我年年，到眼風光爲慄然。  
十賧山川殘燒外，五華城闕彩雲邊。  
種人篇當奇書讀，遷客詩多異域傳。  
淒絕新都垂柳詠，一班憔悴委蠻煙。

贈寶川孫友龍刺史

郎官瀟灑舊簪裾，萬里南溟壯志摠。  
昔飽一囊今五斗，箇中滋味究何如。

卷四

六

雞足羣峯繞郭來，琴堂閒對碧雲開。  
一州斗大名山在，管領端宜誅蕩才。

入永甯寺公寓二首

翩然我似燕重歸，花雨空階半夕暉。  
退院老僧曾識面，驚人幽鳥未忘機。  
客衾煖帶香煙馥，談麈愁看舊雨稀。  
清茗濁醪閒聚首，佛幢紅照一燈微。

寂寞禪關畫掩門，梅檀香裏淨吟魂。  
荒苔漬露蟲聲競，暮樹搖風鶴語繁。  
三度頻來參佛相，一官依舊是君恩。  
升沈悟徹浮生未，欲就菩提證夙根。

題太和張寅叔大令滇游草

仕宦艱難際，同余絕塞來。親民非易事，獲上竟何才。鶴  
拓春花散，龍關曉月開。此中勞撫字，相見暫樽罍。

一卷南中集，清新惠我殊。政兼佳句播，官借好山娛。水  
部論家法，風懷感客途。天涯各努力，吾道未應孤。

愧附鹽車久，今吾故我同。宦途潘令拙，蠻語郝隆工。山  
水杼新得，冰霜印舊衷。純鱸君念否，故國又秋風。

滇闈內簾雜咏十首

清選班看玉筍聯，重局深入五雲天。空桑笑我今三宿，  
文字偏多俗吏緣。

入簾

道許分司月窟香，森森桂殿肅鳩行。芳銜次第傳籤記，

卷四

七

援手仙人白玉堂

掣籤

笑拂吟床各下簾，夕陽猶爲照疎簷。八仙洞府參差闌，

滇闈內

我是歸來白玉蟾

歸房

一燈促坐共清談，爭道驪珠得手探。莫笑解人徒強託，

書生此最味醅醅

論題

封題疊疊錦書新，遭遇還歸主掌人。暗裏憑誰衣鉢付，

須知香火有前因

分卷

潦草愁看字半紅，宵燈曉日眼矇矓。輕心敢負焚香誓，

辛苦平生是箇中

校藝

果否朱衣爲點頭，品題一樣費綢繆。姻緣憑爾前生定，

莫把窮通怨蹇修

薦卷

滄海遺珠苦自猜文章得失重低徊慙慙不盡栽花意

噓拂還從落葉堆

搜遺

雞跖豚蹄日膳充素餐還向瑣闌中茶根滋味菜蕪甌

對此翻慚肉食豐

供應

冠裳四座靜風聲貼地看書榜上名唱到五魁翹首望

兩行紅燭

滇南書榜至前五名則萬燭齊明謂之照五魁

徹霄明

寫榜

段錦谷贈我石花吉祥草詩以謝之

南極仙翁惠我新石如花蕊草長春珠宮異產靈山種

清供翻慚到俗人

卷四

八

玉骨鏤成細蕊香移將瑤草伴幽芳奇姿不受冰霜挫  
便是人間大吉祥

小窗花影鬪瓊英並蒂都將玉碗盛半榻琴書閒晤對

古香古色似先生

兩行馬街

秋色蕩湖天濃雲吹作煙五華峯不見一片雨蒼然遠  
樹碧沈霧殘禾黃在田平生勞蹀躞漫道著鞭先

回易口占

破縣殘山舊尹回囊琴重掃案塵開宛如失意文場客

三載秋風一去來

丙子己卯及今壬午三調閣差事竣皆回本任

秋山晚行

躑躅空山行徘徊緩吟策雨過涼飈生蕭然作秋色林  
疎雜丹黃巖斷閒蒼碧古澗澄寒波魚稀不受罟前望  
層峯深幽懷信獨適日夕中路迴野煙暗如冪擁樹孤  
猿哀投巢晚禽急重巒引歸雲曖曖綴輕白撫景惜遲  
暮瞻言悵遐僻冥冥高飛鴻誰假汝羽翼

見雁

落落獨南征關山慣此生稻梁身萬里霜露夜三更異  
地多增繳炎天豈性情江湖何日去雲水任飛鳴

夜坐展閱李子鈞嚴六希舊贈詩卷感賦長篇卽

卷四

九

寄子鈞

寒蟿罷啼月霜燦關山風高吹夢斷披衣起剔秋燈紅  
十尺冰綃坐展翫情詞贈我何蒼涼讀竟出門遠凝盼  
美人不見心魂勞脈脈相思渺雲漢憶昔懽讌同京華  
遄飛逸興凌朝霞座上詩人雜龍虎眼中世事如蟲沙  
錦轡狂馳薊門雪金樽醉倒長安花手按紅牙倚華燭  
窺窗素魄煙籠紗當筵意氣詡年少笑攬青絲雙鬢斜  
勝侶風流宛在目只今雲散天之涯天涯一別六經歲  
人事茫茫水東逝輕塵弱草誰自知回首交遊幾行淚  
一抔慟掩陳登樓

陳蕉生丈

尺幅空題周昉字

周子嘉在都爲余繪李香

君像今藏行篋偶一展翫不勝人琴之感

陳百生簡討

故宅淒

其滿愁思傷哉日月曾幾何存歿紛紛感慨多蒼翠西山不改色朱顏易變如霜柯君守一官已垂老我來萬里尤蹉跎儒術用世計恆左平生志業空嗟峩吁嗟浮名不足齒君看南中銅柱今亦圯鯨吞蟻鬪終胡爲散髮江湖行已矣作詩寄君君云何路阻情深悵延企衡陽倘遣南飛鴻爲我慇懃問嚴子

### 過沙丈

馬前晴色絢年芳古逕春生夜不霜平隴水涵山翠活半巖風落野梅香茶烹小廟迎驂入樹繞孤村引路長

### 卷四

十

無德能消虞芮訟

時以訟田赴勘

此行聊爲課農桑

### 安甯寓

一水螳川繞孤城雉堞殘春燈喧晚市倦枕對晴巒山曉行聲亂樓高旅夢寒新年潦草過濁酒強爲歡

### 送陸希喬司馬歸淞江

邊草生未青隄楊發將綠鷓鴣嗁南音陽鳥徙北陸故人今遙裝夙契遂初服相送臨路歧情長語恨促棘屢銷離魂荆吳睇往躅五谿春浪生萬里歸帆速好爵縻人情營營慨末俗白髮繫金章百齡委斗粟懷退期屢遷干進念旋續初衷豈或忘能斷良在獨君年未懸車

雅尙託知足佐郡詎官高勤民久尸祝眷彼甘棠謠俄  
馬採芝曲駕言返仙鄉峯泖縱吟矚湖中張翰莼籬下  
陶潛菊涼窗一卷書敝屣千鍾祿報國聊歸耕榮身在  
遠辱由來可林棲安用久塵瀆他時招隱篇惠我西飛  
鵠

途中卽事

十里松風客夢醒夕陽孤騎影伶仃春雲出岫綿綿白  
暮樹籠谿窅窅青目盡千峯疑碧落心隨一鳥入蒼冥  
塵容暗自驚憔悴瘦損渾如野鶴形

鳳姑墳

卷四

十一

鳳姑者易門令鄭君西橋女也咸豐辛酉狷逆  
東竄入易境時鄭先去任畱眷屬於易城陷女  
罵賊死其墳今在城西之象山

抔土紅閨寂荒原碧草春傷心人世劫含笑女兒身杜

宇憐思蜀

女本蜀人

桃花遶避秦慘教香骨碎倉卒痛黃巾

城郭今無恙孤墳幾夕陽雲裳牽薜荔月鏡映冰霜片  
碣青山古叢花碧血香鬚眉人莫負女子亦剛腸

寄張寅叔蒙白

邊亭楊柳碧鬢鬢迢遞思君逐去驂塞草晨煙官舍寂  
蠻花春瘴客愁酣好將姓字畱天末直眺山川向日南

詩句近知悲壯寫臨城士馬擁層嵐

閒日

有夢春誰好無營境自清藥方尋故紙花譜記新名風  
雨長吟對雲霞異想生何來梁上燕淒切話鄉情  
南中五烈咏

阿南

漢裨將鄧世忠殺曼阿娜欲得其妻阿南南約  
以三事一設幕祭故夫一焚故夫衣易新衣一  
令國人遍知以禮娶鄧如言幕設衣焚南伺火  
熾躍入死之實六月二十五日也國人哀之每

卷四

三

年是日燃炬以弔謂爲星回節

焚故衣易新衣喪我天者強我妻夫仇弗能報忍更事  
之徒生爲妾心不可昧妾軀當遂灰身雖蠻人義同命  
誓死肯愧青陵臺松幕一炬千秋哀年年椽燭招星回  
赤龍御空紫霓逐天上靈兮歸去來

李秀

秀父毅刺甯州五苓夷反攻城邑值毅病卒秀  
統父眾擊滅之以功封威侯後人名其城曰天  
女彰秀烈也

隴西有女稱威侯父李毅卒繼領州大星夜落嘯羣醜

刁斗淒咽軍民愁獨出瓊閨慨乘障英姿颯爽蛾眉修  
誓死幾碎睢陽齒乘機竟斬樓蘭頭上馬擊賊五苓滅  
下馬視事羣蠻柔此才文武孰與比烈女乃亦奇男儔  
不見天南孤城號天女存城者名同千秋

慈善

蒙舍詔謀并五詔期會祀於松明樓鄧睽詔將  
赴約妻慈善諫不聽乃以鐵釧約其腕而別比  
至飲樓中火發焚死諸詔骸率不可識獨慈善  
以釧得夫骨以歸蒙詔異其慧強聘之封爲甯  
妃善櫻城守誓不從蒙舍兵圍之善食盡餓以

殉

卷四

三

奸雄叵測我如見良人不悟妾魂斷牽衣挽轡勸莫回  
鐵釧含辛約夫腕釧圓不成環鐵鑄此冤案酒酣火發  
五詔焚焦土可憐同一片精金不化人已灰細認遺骸  
淚紅濺阿奴忍就同根剪返骨悲如妾籌算殺身不受  
甯妃封閉守孤城泣誰援家國已矣從夫歸地下相看  
血糊面松明樓毒胡煽妾心不磨如彼釧

阿蘊

蘊元梁王女也初明玉珍寇雲南王敗奔楚雄  
大理總管段功力戰遂破走玉珍兵王德功以

襁贅焉繼以雄武爲王忌復入左右讒遂陰謀  
殺之襁悲憤作吐嚙歌旋以死殉

雁門雪深洎水寬郎家妾家兩漫漫今日愁看踏裏彩

華言錦  
被也

當時懽唱金指環初功贅襁時獻金  
指環曲爲梁王壽玉葉瓊枝

漫交結蒼蠅黑白心獨患青天明月不余照中情欲語  
開口難滇海濃雲一朝散驚風吹起空波瀾杜宇魂歸  
怨春盡綠窗夜雨聲潛潛妾誤阿奴奴誤妾思量淚墮  
紅闌干埋憂九地不能盡吐嚙一曲西山寒

羌娜

羌娜段功嫡妻高氏女也憤梁王寃殺其父私

卷四

十四

繡一旗藏焉嫁時出以授弟曰必報仇此旗所  
以識也吾歸起夫家兵助爾繼值明師平滇梁  
王死難事遂寢

香車欲發不忍發雪岫霜林慘離別父仇未報身且行  
手撫鐸稍腸寸裂粉黛氣欲鬚眉森結離心復枕戈切  
閨中繡旗經五年色作猩紅淚凝血奇女難學伺都亭  
夫差爾豈忘於越臨歧語弟無限愁恨積點蒼萬峯雪  
南中劫運何紛紛國破家亡總飄忽建昌未起娘子軍  
昆池旋葬梁王骨衰蕪雨暗華山秋敗荻寒吹洱河月  
天風夜怒海水飛惟有此心千古長激烈

漫興

散步庭莎輒似塵年芳靜處晝無人  
山蜂蜜料花時足  
梁燕泥痕雨後新萬種春情消薄醉  
一官風味類清貧  
日長事少容疎懶時世何須強效顰

雨後

山色空濛遠翠微春陰庭院淡朝暉  
插秧水足連宵雨  
農事忙時吏事稀

乳鴉嗁竟欲成晴散漫晨煙不滿城  
春睡醒時春雨過  
枕邊添得瀑泉聲

出塞五首

卷四

五

夕歸鑿馬蹏晨去跨馬背錦轡交銀鞍  
雙懸寶刀淬問  
我役何方出師遠防塞至尊日憂邊  
敵愾在吾輩士氣  
銳飛黃將才侔霍衛但覩軍心雄應  
知虜膽碎險夷且  
勿論苦樂亦何計壯夫勇先登拔戟  
自成隊

滄溟豢鮫鱷窟宅恣所便包荒得假  
息狡逞多垂涎鯨  
吞我屬國毒霧腥南躔天威奮一怒  
萬里森弋鋌陳兵  
越五嶺橫海隨樓船微躬備行列遠  
謝親知憐春秋懲  
猾夏大義崇扶顛漢家豈贖武唐室  
徒開邊

行行九真道谿谷迴以長相招各下  
馬欲飲泉如湯騰  
蛇躍我前飛鳥墮我旁旌旆薄炎日  
火雲隨飛揚悲歌

擊銅柱懷古天蒼蒼伏波昔許國此意同激昂千日養  
未報一朝用敢傷安居不自保豈惟蹈瘴鄉  
兵神祇在速師老難爲功吾儕走卒賤敢以籌策雄令  
嚴不須畏賞罰當須公荷戈履異域一戰期効忠軍行  
似脫兔險阨如當熊主將智且仁恩與骨肉同君子憤  
國恥小人激私衷奮身以圖報爲取茅土封

從征在天外悠悠邁時日黧然我肌膚化作棍中蝨吾  
皇仁愛深豈不軍人恤驕虜方相持天心秘沈鬱王事  
有難已男兒違家室致身行伍閒進退惟所帥待命日  
枕戈定謀仰籌筆回紇見令公尙將不戰屈

卷四

六

雨過夜望

入夜重陰豁鳴泉蕩遠零星雲天半朗庭院水橫分村  
暗孤燈隱山幽百籟聞憑欄誰悵望夙昔感離羣

夜眺咏懷

列宿紛自熒明河炯堪渡翹望思前行煙昏恐非路華  
月從天來清光肯余顧飄風不相容旋取入雲霧雲亦  
從卷舒月亦憑去住物態固無常吾心諒守素

蟹聲

去國身垂老懷人夜正悠寒蟬數聲動天地一時秋帶  
月還臨塞因風莫上樓停砧獨聽處閨閣不勝愁

閬闔三首

閬闔晦兮層陰止中路兮沈吟俟時兮前發白日馳兮  
恍心

燕石兮鼠璞紛眩人兮在目世殊好兮曷從悵心違兮  
行獨古之時兮不復

駐馬兮山椒木龍窠兮周遭中有人兮不見鸞鳳聲兮  
蕭蕭柏脂兮可啖蘭秀兮未凋春清岑兮欲住暮旋返  
兮鬱陶

題顧伊湄誄雞行稿後

丙子秋伊湄與予同事滇闈簾中見雞以風雨

卷四

七

斃作詩誄之語多傷感閱今四年得其稿於亂  
紙中然伊湄則亦已物化矣

浮生浮世盡堪憐斷墨零牋爲潸然當日心傷多感觸  
何時羽化竟連翩冰霜肝肺餘雙淚塊壘功名漫十年  
太息展禽身後誄更難濡筆起黃泉

其夫人  
先歿

移寓斗姥閣

淨境權棲薄宦身九年今日是閒人鏡臺拂拭應重省  
我亦靈山有夙因

苔芳松靜晚陰晴古刹無人客思清坐手一編燈火傍  
依然況味是書生

宵深

燈火宵深不滿堂，暗侵書幌月蒼蒼。松聲入牖驚風雨，  
花影當階淨色香。秋好易催人事老，夜寒偏與客愁長。  
何來萬里鄉心急，城迥天空雁一行。

易門畱別四首

誰信身爲百里才，世緣塵夢祇疑猜。九年未覺流光駛，  
一夕翻驚別思催。無補閭閻慚久任，有情父老祝重來。  
清風載道琴書爽，恰望秋晴馬首開。

歲歲春陵愴道州，烽煙殘壤費綢繆。言空上蠲租請，  
萑澤終遺執法羞。萬事是非懸眾口，一方憂樂數從頭。

卷四

六

身行權此妻孥，寄念我應能顧問周。

當官寂寞似書生，公案花飛牒訟清。青愛一燈畱夜讀，  
綠酣四野看春耕。共知甘苦憑心肺，難免迂疎恣性情。  
何武曾無名赫赫，願同休息到承平。

山鳥嗁來惜別音，長堤柳外載駸駸。生塵尚有萊蕪飯，  
入橐應無暮夜金。象嶺雲停人自去，龍泉花放夢能尋。  
甘棠何處堪遺愛，負我平生負汝心。

秋郊散步

涼風入衣袂，落日含清蒼。解官得身適，散步逾林塘。娛  
懷極幽遠，寓目知年光。大田半已穫，破碎層雲黃。山晴

綉晚色露下滋秋芳谿深不盈尺清可余心方逢迎觀  
野老色喜談豐穰由來重生事豈不在農桑叢林鬱四  
顧蒼蔚及未霜乘時託佳興望望雲迴翔

易門別內三首

癸未九月奉催北上并擬便道歸省既解篆因  
假宅邑人畱寓妻女悵惘兩情殊難爲別臨行  
賦此申意時則秋風淒然也

鹿車並挽歸高躅抗千古藐躬樗散材乃自縛塵組山  
城十年居寂寞吾與汝矢心霜雪閒相笑竟何取薄祿  
差代耕夙期豈華膺嗚彼食粟軀取譬在倉鼠共汲知

卷四

十九

泉甘同音識曲苦鬱鬱此衷懷聊當共卿語

南國吹飛鴻秋晚促行色長風送遠雲雙闕引征策水  
枯湘漢清雪落江淮白東下經里門歸省計良得獨望  
窮天衢去鳥橫孤翼畱子不共行兩心諒同感珍重毋  
離悲此邦暫可宅平時好人情視我如親戚計日當重  
來一年猶旦夕

年華兩如許艱苦平生嘗風霜慣行路勿以牽中腸小  
女驚我別苦牽阿母裳相挽無言說但垂淚淋浪有情  
盡霑臆忍涕卽途長辛勤事徽佩固難貧賤方誌爾可  
嚙語戒吾屈曲行分攜在萬里能不重悲傷

九日途中東四弟

乍霽關山雨風光九日新一年幾佳節萬里兩行人鄉  
思黃花酒征愁綠鬢塵疎狂冠不整馬上側吟身

客館偶興

廉纖細雨溼窗紗坐倚清燈伴影斜懶得人憐稀見過  
靜如僧定不知譁竹寒時有侵霜葉梅瘦從無浥露花  
小院苔痕猶半碧自將獨立惜芳華

寄遠

來鴻去燕感紛紛長路如天不見君無數青山憑刻畫  
柰遮望眼又重雲

卷四

吁嗟行寄楊伯寅並答其書

吁嗟世閒監子成名多青雲眼底紛差峩祇君鬱鬱今  
如何十年不見猶蹉跎夜雨秋燈溼雙涕文章憎命天  
何意發篋空陳季子書出門輒下劉蕡第抱玉而泣還  
來歸儒冠生事尤可悲涸轍頓遭獷獩笑窮居那免鸞  
皇饑况聞海濱歲時惡湖水橫流浸城郭萬家搖漾炊  
煙薄我家君家兩奚若君時拔劍斫地歌聲哀我亦側  
身北望肝腸摧摧腸不見面山川何悠哉長風送雁君  
書來書來一紙愁長萬里白日黃塵杳莫知所底盛年  
不居有如水平生恍惚京華春雷車奮迅意嶙峋韓孟

雲龍上下逐英雄君操旁無人揮手一別將老矣君曾  
不然我如此霜蹠屢蹶天難呼斗米折腰亦堪恥雄飛  
雌伏何有無人世變化徒勞如不見草元子雲竟投閣  
滌器司馬旋高車又不見李杜文章並千古當時升沈  
可心數長鑣託命荒山中同谷哀吟境良苦白也飄然  
迴不羣殿前調羹動人主一譎夜郎棄如土男兒七尺  
殊自奇故意八極無羈縻焉能擾擾朝欣復暮戚與汝  
顛倒造化相追隨豈不聞平地亦有風雷時人生遇合  
不可知吁嗟人生遇合不可知

海琴仙館詩鈔卷五

興化成占春梅叔

卽事

防秋萬里詔屯兵赤羽朱旗上將行何似金城風雪去  
獨能憂國趙營平

今朝

今朝眞箇是還家回首驚心別日賒書札幾看新歲月  
鬢鬚可復舊年華輕裝陸績歸饒石素業吳興設有茶  
時有贈以雲石普茶者安得仙人爲縮地倚闥目斷正天涯

入廢寺

卷五

無僧門不閉幽步我來時石試殘鐘扣花看斷壁欹苔  
深分鳥篆樹老羸蟲絲空寂坐禪佛相逢獨爾期

和五丈原懷古絕句

水剩山殘漢業灰出師死繼託孤哀匆匆一體君臣盡  
天下英雄天下才

大星落去大軍愁巾扇飄零渭水秋他日更傷無董費  
忍爲孺子一回頭

風雲猿鳥盡銷魂故壘斜陽井竈昏一片出師心不死  
渭流千古向中原

歇楊林

無際寒雲擁馬前朔風吹冷小春天借將竹葉三杯暖  
耐此楊林一夕眠綠樹經霜人共瘦紅爐貼地月同圓  
客燈挑起鄉心切欲去還先祖遜鞭

平彝別傅芷卿明府

宦海論交獨性真重逢依舊兩吟身六朝文最傾君久  
十載官猶似我貧爨部雲山留隱吏盤江雪浪渡歸人  
剪燈一話風塵裏更盡樵樓又別晨

過滇南勝境

滇黔交界處相傳其地晴雨各  
依界而止想亦適然之見如此

振衣東望日初昕控制巖疆兩界分不信陰晴斯地判  
一時黔雨與滇雲

卷五

卽事

三匝飛鳥借一枝夕陽茅店又歸時身如鳥倦還多事  
燒燭忙看壁上詩

旅思清如挂錫僧殘書代枕睡膏膺冷衾夢覺重開眼  
鄰壁紅穿夜紡燈

有感

越裳舊壤漢山河忽漫憑陵殺氣多溟海濤翻飛有艦  
魯陽日短戰無戈誰能方略圖充國莫恃盟言折葛羅  
插血載書空舌做事機渾自委滄波

象渚龍編盡戰場鯨波蜃浪氣飛揚酸心萬里秦庭哭

奮臂孤軍漢幟張

謂劉永福

肯爲小朝羞面縛端應中夏痛

唇亡輔車形勢關滇粵倚劔西南激寸腸

南來羽檄馬雙飛

急置用雙馬

武庫兵騰日月輝不盡霜青

兼電紫須令地角有天威雄藩敢擬珠崖棄大度難從  
玉斧揮爲語樓船諸將帥安邊仗汝一戎衣

### 山行雜吟

際天濃霧鬱成陰一抹煙林著色深如睡冬山慵不起  
曉來翠幕總沈沈

半山林木遠蒙龍何處敲來晚寺鐘寒吹一時霜葉脫  
馬前露出短牆紅

### 卷五

三

巖居村舍半煙霞石壁中開一逕斜晚雨故遲茅店客  
山泉自入野人家

誰寫風光入畫來吟鞍憩處小徘徊山家點綴門前景  
靈碧頑青石幾堆

### 老鷹崖

老鷹摩天飛化作蒼崖特羅致兒孫儔森然拓羽翼巨  
古雄蠻荒迨今尤劣削永逃秦皇鞭不受五丁闢嗟我  
行役來茲山再經歷鳥道凌虛空盤旋日車側上如猿  
攀條下如馬去勒仰登過三休俯視驚一擲憫彼輿夫  
憊強步勉余力足與石傾欹身隨目兢惕天風振衣生

倏忽上雲屐四顧環苗疆蒼煙遠紛積世途何崎嶇吾  
道有阨塞大哉乾坤內胚孕胡可測

渡茆口江

白日下蒼波行行旅客多悠哉此前路不渡復如何天  
地身爲役風塵鬢易磨荒江橫劍過倚醉一長歌

登大鐵關望羣山

絕頂來長望重關扼斷鼇孤雲盤馬上削壁墮猿號鎖  
鑰憑誰屬遐荒付此曹生成奇造物意氣太雄豪

郎岱弔李

承熙 孝廉 雲南江川縣人 余壬午分校滇關所得士也

黃昏野店鵬低飛下第憐君更不歸一面因緣師弟誼

卷五

四

有情那弗涕雙揮

科名身世兩優曇搔首荒原一慟堪料是歸魂招不得  
黯然雲氣向滇南

黔道

黔道莽崔嵬迢迢我亦來馬蹄摧欲折靈掌擘難開弔  
古奢香驛通夷漢武才登臨殘壘在落日寄餘哀

雙鯉橋邊路羣峰聳若林蠻方天偪仄夔道日陰森開  
闢誰來此洪荒直到今移風資久治

黔省近令苗民改從漢俗

眞費

長官心

石戴雲邊驛煙開地底城人家穿瀑出村逕逐嵐行顧

我天涯客逢茲歲暮征流泉何事急曉夜不停聲  
莽蒼羅施國西南重鎮當山川睽禹服風雨擁苗疆牛  
劍新垞化蟲沙舊劫傷當時渾自大何物夜郎王

黔程遇雪雜興五首

寒光破曉起匆匆襪被登程雪滿空一色河山雲黯黯  
五更村落月朦朦漫猜飛絮隨征馬誰耐殘泥認過鴻  
解事朔風差可喜天南吹不到軍中

越南防兵  
詩已出關

燧冷烽銷客思清黔山風捲落花聲傷懷舊劫蟲沙化  
望遠新愁鶴髮盈道路幾番深閱歷冰霜一例感生成  
不須惱我紅塵際此去迢迢是玉京

卷五

五

鞭絲帽影共婆娑滿地瓊瑤碎踏過又見庚郵飛羽檄  
誰能甲士洗銀河閉門肯臥山中少握節今留海上多  
爲問耽吟驢背客灞橋詩思近如何

十載梅花盼不歸故園芳訊祇依稀霜橋月店浮蹤似  
玉宇瓊樓舊夢非斂卻聰明歸冷淡憑教清白有光輝  
天門翹首瞻銀闕駕鶴紛紛燦羽衣

楊柳依依舊景殊迷離馬蹟趁長途酒旗村郭煙痕瘦  
漁艇溪橋笠影孤入妙歌詞新白紵乘時聲價小紅爐  
慘聞北地頻荒歉近日豐年兆有無

龍場懷古

淚盡青蒲萬里行一篇瘞旅愴含情韓蘇竄逐符先軌  
朱陸從違信後生經世文章千劫在濟時功業百磨成  
荒涼古驛蠻中路遠戍人歸瘴霧橫

牟珠洞

古洞闢巖阿森然萬象羅人傳靈蹟幻地占化工多鏤  
雪奇成景團雲聚作窩探幽興不盡秉燭待重過

鐵索橋

奔流劃地開卻立兩巖大鞭石不成橋傍徨客何奈鐵  
繩牽橫空穿鑿山骨破飛梁跨重淵亘若長雲臥隆隆  
萬鼓搥蹴踏馬蹄過力挽千蛟龍終古無折挫長嘯倚

卷五

危欄澄波戲一唾

鎮遠晤太瘦生

滇南趙月村孝廉

次其袁氏樓題壁詩韻

贈之二首

醉墨淋漓盡灑如依稀眞面識匡廬姓名到處知羅隱  
人物當時似太初花落金臺留別賦雲歸蒼麓問幽居  
鴻泥隨地相思寄握手何期巧慰予

梅花驛路思何如獨自揮毫對野廬時勢憂深詩酒外  
關山人瘦雪霜初鱸莼笑我遲歸去龜策憑誰爲卜居  
客裏匆匆逢又別天涯雲樹渺愁予

鎮遠登舟

澗溪東瀉碧粼粼買得扁舟小稱身  
蓬背月如茅店月饒來煙水換風塵

夕陽低映市樓紅城郭山光盡  
望中欲爲歸人還乞得輕波三尺一帆風

龍溪口暫泊

窗外忽聞雞江村古渡西平沙連鷺水  
溪名小市集龍溪漁舸衝波散人家  
逐岸低輕橈復前路沽得酒分攜

詠釣叟

白水蒼波際輕舟不用臺酒懷  
呼月語竿影撥雲開有鷺時來伴無魚一笑回  
江湖終老矣熊虎卜休猜

舟中

卷五

七

栗渡毛栗渡楓塘楓木塘江渺漫黃獅灘名白馬洄名交縈蟠三

更聽水夜復夜一日行舟灘又灘  
把筆攤書那愁遣烹魚酌酒聊自懽  
雪霜逼人歲云暮爲客心情良獨難

沅州懷古

州南五十里有龍標城王昌齡左遷處

蠻溪淼淼夜郎天底事龍標此播遷  
唐室詩人多落拓南來更有李青蓮

沅水

沅水亦何深悠悠似我心幾時芳芷盡  
無際白雲沈舟楫方前路風波又夕陰  
所思人不見江上日愁吟

洪江謁伏波祠

介介何來長者兒，據鞍老将自雄姿。  
畫圖不入雲臺像，悲壯如歸馬革屍。  
投契君臣迎笑日，詠冤妻子杜門時。  
故人散盡餘朱勃，一疏還爲血涕垂。

壺頭故壘夕陽空，漢代衣冠想像中。  
多事漫教車載苴，不磨惟有柱成銅。  
櫛溪瘴落飄靈雨，藁葬魂歸嘯晚風。  
一曲南征聲勿苦，平生大志已酬公。

瀘溪晚行

辰溪復瀘溪，蘭漿泛還去。  
雲水天茫茫，今宵宿何處。  
溪煙日夕深，岸影看如失。  
漁笛數聲吹，一喙撐月出。

卷五

八

馬嘴巖相傳有兵書寶劍藏其上紀以長歌

異書未可輕授受，敕付山靈永居守。  
輔之寶劍蒼精龍，鬼神莫奪百怪走。  
劍長且三尺，書在猶一函。  
今何所寄峰巉巉，下有驚波駭浪窮。  
登探或云世間故多事，點綴山川炫神異。  
猿猱莫上豈人爲，應是飛仙偶遊戲。  
圮上公延津龍古來往往多，奇逢子房不作茂。  
先死漫疑靈蹟皆虛空，安得梯雲逕往取。  
陰符我讀劍我撫，邊塞一出烽煙清。  
功成還汝溪山主，劍乎劍乎倘吾許。

登沅陵城樓

城上高樓俯急瀧，樓前飛塔聳當窗。  
斜陽照入波光碎

暮靄吹來鳥影雙三楚雲山盤大澤五溪煙水向長江  
寒流繞郭無停日東下匆匆幾客艫

下清浪灘

雙槳忽飛去濤奔石競譁飄搖舟一葉辟易浪千花險  
識灘頭鷺神催棹尾鴉安危知命定談笑倚窗斜

桃源洞

漁郎隔斷渺千春我欲乘舟一問津高士尙迷劉子驥  
悠悠況是道途人

白雲流水不通塵洞口桃花世界新可笑三山靈藥採  
神仙輸與此中人

卷五

宿洞庭湖心

九

長風吹日日沈水洞庭一暝九百里乾坤黓慘波如山  
我乃中止於其間豈無輕舟挂片席四顧茫茫行不得  
一坏失卻君山青萬頃平吞楚天黑颯颯寒雨霏滿湖  
短篷獨宿中央孤魚龍噓氣欲燈滅鬼物羣嘯疑人呼  
夜深湘妃踏波出導以雲旗擁星蹕枹鼓音騰木葉飛  
蛟螭競走雷聲疾九嶷峰斷蒼梧遙倏忽南望悲長號  
斑竹淚枯百靈悼冥冥七澤翻寒濤我時不眠坐屏息  
啟窗欲視魂惕惕悵然不知身何來耳底終宵作瀟瀟  
人生一瞬紛營營憂患自蹈胡心驚欹枕逕睡旋復醒

大呼舟子東方明

岳陽樓下晚泊

湖山如舊否重到又扁舟白日巴陵暮蒼雲夢澤浮  
年時深客路心事問滄洲悵恨今多難誰先天下憂

除夕舟中

他鄉幾過客我是還家人尙說今年到不知明日春暮  
村疏柳外孤艇漢江濱把酒容顏看何如歲再新

朔風行

朔風吹吹滿江上浪花如雪雪如浪雪舞浪翻船不行  
繞船來者哀鳴聲人或三五舟窄狹形何憔悴氣嗚咽

卷五

十

一錢勺米濟無多如此風波肯歷涉問之口自稱飢民  
自言有田江湖濱前年水深不得穫去歲堤潰還傷人  
天昏地慘魚龍舞煙火無光室無釜兒號女泣半死生  
忍甘同盡守環堵浮家泛宅聊自存飄泊那得言苦辛  
語畢涕零體寒顛風來陣陣和聲吞昨日今日風益烈  
雪深三尺且未歇千樹啼斷飢烏聲九淵凍折老蛟骨  
吁嗟乎朔風阻我歸去之孤蓬我歸遲遲亦自可憐  
哀哀鴻雁風雪中

武昌晚泊

鄂渚新開霽斜暉晚入窗亂山猶朔雪流水自春江獨

客銀燈夢仙人玉笛腔漢陽星火際樓閣影幢幢

東江舟中

雙槳濤聲半榻書客途寥落未愁余壯懷欲讓詩懷好  
生事還如世事疏幾點鄉心彭蠡雁一時風味武昌魚  
篷窗日暗耽孤坐燈影微明得句初

赤壁

亂石驚濤際渾傷弔古心東風時浩蕩南國幾銷沈烏  
鵲依枝暮蛟龍得水深扁舟詞賦客載酒獨長吟

琵琶亭

九派潯江深一亭此孤寄陳迹久煙荒微茫落山翠

卷五

十一

瑟叢蘆花中有江州淚

晚泊

殘日不滿篷野煙欲離地村晚集帆檣人語亂如沸里  
門望匪遙泊此且歡醉客久慣殊方頗驚鄉音異春淺  
生暮寒天晴愜人意寂坐聲冷然清鐘聞野寺

過揚州

賓鴻江上去悠悠我亦歸來萬里舟芳草十年悲絕塞  
暮潮一夕到揚州春風明月依依思斷梗浮花渺渺愁  
東下黃灣鄉夢急玉簫不爲暫遲留

渡江

海門日上梢帆開雙槳中流撥夢回隔岸山靈應笑我  
底緣頻自過江來

登金山

寒潮西繞石城回檻底江聲白晝雷無數鄉心揚子渡  
幾人遊蹟妙高臺風吹曉日滄溟動草淺春山壁壘開  
北府英雄今古說鸞帆誰障海門來

泛海

百派下江河茫茫竟若何吾生一粟渺此外九州多從  
古填無石幾時見不波中山消息斷東望劍空磨

何處華夷界憑欄首獨搔飛揚紛異族擊汰且吾曹大

卷五

三

地滄桑變中天日月高鯨魚誰擊盡長使靖風濤

都門雜感

簇簇宮花曉仗扶龍池新景麗瓊都當時一片蒼梧恨  
十載叢筠淚欲枯

旗亭唱罷醉醒握手從誰眼更青舊雨不堪重問訊  
閒花無限付飄零  
經從塵海更回看到處人生乞米難畢竟神仙天上是  
瓊樓許住莫言寒

隱約巢痕已半空春明舊夢幾東風綠楊千樹城南寺  
剩有低徊向此中

徐乃秋比部以其尊人聘卿師小醉經室詩鈔持  
贈感誌一絕

鄭重南豐一瓣香君家手澤比琳瑯梅花古樹清吟處  
更憶春風景范堂

海上望燕臺

之采山色碧雲開曾此秦皇並海來侯得大魚纜一射  
輶車西去又平臺  
何處蓬萊海上山三千弱水斷人間當時徐福真仙種  
渡去樓船更不還

感事

卷五

三

漢兵南下亘滄溟屬國烽煙接塞青萬里轉輸連歲月  
千羣精銳走雷霆豈知將帥黃塵伏還費朝廷白馬刑  
消息炎風休更問天王舊地已臃腥  
天南風鶴忽驚聞萬劍橫磨散似雲五嶺未傳楊僕捷  
九真翻走伏波軍鯨鯢毒媪秦封黯象馬塵迷漢界分  
迢遞檻車嚴逮問赫斯王怒震妖氛

礮車雲捲怒濤傾馬尾江流血有聲艦碎王琳千拍發

旗懸鮑老一軍驚

馬江發難之先法舟猝升一旗揚武  
兵輪執事某急白大帥謂此必有變

須速備帥不應俄敵  
礮齊發我師船礙焉拚將白面供嘲笑不與蒼頭共死

生太息虛名徒誤國深源誰謂是能兵

順昌旗幟壯雲屯  
謂劉省三撫軍海外孤軍絕苦辛  
休遣風濤沈鹿耳  
應須兵甲障鯤身  
男兒誓死家何用  
大局能支國有人  
肯恃漢庭婁敬在  
安邊長策說和親

宿江上

幾樹柳蕭蕭  
停舟夜寂寥  
大江眠獨客  
殘夢落春潮  
岸柁隨風遠  
漁燈傍月消  
是何人不寐  
吹送笛聲遙

卷五

海琴仙館詩鈔卷六

興化成占春梅叔

復之滇南留別故鄉同好兼送子信舅氏北游

纔話離悰遍旋牽別緒紛深情佩蘭芷悵望到榆枌萬里仍孤宦扁舟向暮曛平生親愛意目斷爲南雲

亦有棲棲者關山又北馳風沙冀州道情思渭陽詩行矣各天地黯然同別離登高會相望江海碧雲垂

城南

岸柳池萍綠似煙憐人風景故鄉天三更風雨城南路載去離愁欲滿船

卷六

江行雜咏

梅花玉笛近如何五月江城我重過無際白雲芳草合不知誰占客愁多

鄂渚雄城控禦遙江山如畫酒憑澆兵戈近日多沈劫莫問三分與六朝

斜日依依斷岸明魯山西望不勝情漢川柳影搖長夏都帶鳴蟬一兩聲

南行客子意匆匆惱殺橫次日日風多事嘉魚江上路往時朔雪凍孤篷

撐空山色莽周遭陳迹模糊付浪淘赤壁烏林江兩岸

憑君弔古泛輕舸

銀潢一片落青冥  
推起篷窗正夢醒  
客舫漁舟都莫辨  
隔江浮出火星星

浮空碧水望三湘  
小泊荒洲又夕陽  
不辨雲中君去處  
連天一片楚山蒼

千里江天淨曉光  
山青雲白兩蒼茫  
浮空樓櫓紛紛去  
多半停帆在岳陽

巴邱弔古

古戍指巴邱  
重岡鬱環匝  
日落平湖陰  
雲帆來錯雜  
今人徒紛紛  
古人永龍蟄  
邈然英發姿  
憑弔涕霑濕  
公瑾

卷六

二

昔在日少年  
妙兵法一炬  
東風燒聲使  
老瞞懾當時  
若乘勝討賊  
競機捷瑜亮  
才相資孫劉  
力兩協長驅  
荆襄師會可鄴都  
入惶惶鬼蜮  
謀漢鼎其終  
劫婚媾胡嫌  
生君年奪尤  
急天心厚當  
塗事變乃叢  
集淼淼長江  
流寥寥古城  
堞神劒渺沙  
埋靈旗日風  
颯徘徊我心  
哀局促三分  
業恍惚此荒  
郊千軍尙雨  
泣傷哉龍鳳  
儔西去亦朝  
盍

湖上夜泛

夜久靜風氣  
泛舟復前行  
雲帆破深暝  
片影橫波輕  
月華遠浮蕩  
天水交空明  
菰蒲響時作  
鷗夢殊無驚  
神怡

遂久坐興到眞忘情浮楂欲高涉銀漢何清清

孤棹

目送長雲北身隨落日西寄言孤棹客昨過武陵溪斷  
夢青山在浮蹤白水棲暮猿自悲切何事向人啼

浦市夜雨

倚枕微涼送搖空大壑流孤村三伏雨一夢五溪秋絮  
絮舟人語惺惺旅客愁明朝前路去風浪急灘頭

泊舟有感

溪岸多人家疎楊映篷戶日落童穉嬉涼風散餘暑雞  
樓上低簷牛浴就淺渚談笑共比鄰或時話晴雨禾稼

卷六

三

被壠黃相期理場圃一年計在秋世事他無與悵余此  
停舟蹙蹙愧行旅野老故情親問客何鄉土鄉土隔迢  
遙風波涉勤苦物誘固多途憂勞諒自取薄祿役微軀  
遠游少安處豈知躬耕子數畝保生聚相對久徘徊幽  
衷鬱莫吐夜來剔孤燈坐聽秋蟲語

洪江雨霽有懷

雲水斂餘陰檐楹下殘滴雨過市聲喧客心自幽寂日  
落山深深煙開檣歷歷引領天一方向時憇良覲

秋日寄弟

歲月如人去不留蕭條一別楚天秋寄言今日孤村夜

絡緯聲中繫客舟

沅江紀行

眾水下辰沅爭行翼一暢羣山若追奔直截復橫障水  
怒不受拘山迴故力抗勢擬兩軍持縱橫十決盪一隙  
偶潰圍百流盡雄放誰敢攖其鋒駭彼船人壯欄頭舟  
辰沅募熟水性者主左右撐強弱審所向竹紵挽千鈞  
從空得憑仗咫尺迫險危呼聲激高浪嗟哉我何來憑  
窗默悽愴

十里五里灘千重百重石灘灘怵我心石石碎我魄挺  
如劒戟森潛類幽怪匿龍蛇虎豹犀頭角競奇特奔騰

卷六

四

下怒濤戰作雷霆霹刺舟入其間突兀相排擊我避若  
迴趨彼來復環逼長篙敵羣醜頗亦負雄力安得摩天  
刃剗爲蕩平域

水涉愁風波山行畏崎嶇蠻江詫奇絕兩險并一途峰  
巒倒峽底亂石羅周陸嶢嶢利鋒刃觸艦猶摧枯逆挽  
得遲上下灘只須臾颺然脫弦箭倉卒驚誰呼巖旋天  
眩轉日薄風蕭疎星馳出蛟穴迅疾爭檣烏急步易蹉  
跌況臨不測區百危肇劒木多事自古初

行行偶曠蕩溪淺波漣漪洶涌不平氣一洩歸坦夷檣  
聲颺已定石色澄可窺沿洄得新境怵惕銷前疑山深

水逾碧樹靜雲相輝徘徊映空翠毛髮生華滋岩棲者  
誰氏絕逕開荆扉登臨欲有問卻顧仍歛巖造物日千  
變更盡前途奇

亂峽圍笈霄天光就剗削日夕羣巖陰風橫眾響作暝  
色隨奔流煙雲遞噴薄望望前途遙徬徨我何託波動  
秋潛虬月昏唳孤鶴絕壁枝榦樛倒影疑龍攫客行多  
戒心魂夢雜驚愕閉艙坐宵深人定一燈燭不敢高聲  
語山鬼夜出搏老漁擊榜來輕舟故余掠

灑陽袁氏樓卽事仍次太瘦生韻

鐵溪重到我歸如臨水人家迴結廬山色半樓秋霽後  
灘聲一枕夜寒初帆檣三楚迢遙下洞壑羣蠻雜還居  
鼓角風淒城火暗不須征路獨愁余

早發

虫聲猶四野襍被已征程夜向馬前盡秋來天外清星  
光窺暗樹人語辨荒城愁思如殘月淒迷半不明

施秉道中

亭障接迢遙盤旋上紫霄荒城通古驛落日向偏橋景  
物鄉心慘功名髀肉銷岑巖山畔路三過莽蕭蕭

重安江

四合蠻山積彈丸百戰收雲昏千壘矗石裂一江流硎

壑蟠殊族軍民泣古邱只今埋骨處鬱鬱晚煙愁

易隆驛中秋觀月有感

重來絕塞又秋風佳節遙應萬里同多少南征人未返  
一時回首月明中

野角淒清逼夜天客燈村酒未成眠洩門古寺樓頭月  
別去重圓又一年

馳驅

馳驅邊域到攬轡意如何瘴癘侵冬滅關山近塞多吾  
儕勞簿領時事迫干戈悵望南交地猶羈馬伏波

公駐軍越  
南之文盤

時督  
帥岑

卷六

六

關索嶺謁龍驤將軍廟

碑稱將軍爲壯繆子龍驤其封號也從武侯南  
征入滇觸瘴歿土人重其義廟祀之並以名嶺  
云按三國志將軍之名無稽顧靈蹟昭然祀久  
弗替必辭而辨之謂非作史之闕亦未盡然歟

摩天峻嶺神迴翔峩廟貌關龍驤漢家威儀壯繆嗣  
事難悉考傳綦詳逸羣頗自肖遺像繼志乃亦甘沙場  
況是麟經炳先業豈無虎子揚前光在昔南征事深入  
張馬連鏃氣霆激爭驅不後三道師再世還驚萬人敵  
五月瀘水煙瘴深跼鳶墮空馬兢惕七擒未覩天威伸

一夕還先隕星泣我敬瞻拜登堂初穹碑半泐詞模糊  
葉下空山夕陽靜苔深梵宇清鐘疏畫壁彤楹緬英概  
獐花狔鳥隨秋蕪蠻方崇祀識遺愛陳壽作史嗟無書  
海門濤起朔風振滇水倒湧千秋憤枕戈不報呂蒙仇  
盡室還膏麗惠刃龍種降王誰復知蠶叢故土忍重問  
山長不限家國悲樹折豈洩將軍忿將軍忿丞相來雲  
霄羽扇招徘徊魏闕吳宮盡無覩在天星日光崔巍漢  
人蠻人遍祠祀是父是子夫何哀風旆霓車睇恍惚紅  
椒丹荔神歸哉寶叟嘻吁夔童舞願歆吾享禳吾災靈  
颯颯颯羣氛開

卷六

七

武侯祠

黃鸝碧草送春華龍蛻星沈感慨賒寥落成都桑八百  
幾人將相似公家

送雲南督學丁桐生司業還京

六詔文衡重三年使節歸南雲齊送旆朔雪不侵衣月  
朗懸蒼麓星高傍紫薇昆明池畔路桃李總依依  
宵旰殷南顧邊防際海隅世途紛將帥吾道仰師儒館  
閣君家盛山川漢節紆碧雞豈徒賦八告有嘉謨

楊娥曲

娥滇人受父傳精技勇年十六適張氏張與楊

皆黔府武衛滇亂隨沐公天波走緬會吳三桂  
執永明王張從歸道死永明遇害娥雛吳甚思  
刺之爰設酒肆城西爲狙擊計適吳藩豪奴過  
窺其美託就飲譖之爲所懲奴聚惡少來報復  
敗去事聞於吳將召見娥忽病死滇人王侍讀  
思訓爲序以歌之今載通志娥者時所稱楊鵝  
頭小妹也

憔悴蛾眉幾度顰冰霜氣作鬢頭春紅顏豈必無成事  
宮裏曾聞刺虎人

提壺喚處美人愁目斷朱波涕莫收頻自當壚還攬鏡  
暗防殺氣上眉頭

卷六

仇頭未斷烈魂殊勁骨難將病體扶一事差能兒女快  
玉人纖手掃狂徒

女貞樹折一墳孤酒肆春荒碧草蕪等是南中遺恨在  
紅旗淚濕段僧奴

僧奴又名羌娜  
詳見五烈詠

題孫敏夫坐花圖

先生昔試栽花手三十華年印垂肘先生今作看花人  
坐花一笑霜髯春有趨者僮立者鶴俊骨清姿映花萼  
巾拂香濃花氣深琴書影淨花陰落花前人老雙眼明  
手揅不律心持平作我嘉賓用我佐毫端往往看春生

閒對花枝足清美茶煙半榻松風起名場了悟平生觀  
開落紛紛幾紅紫碧桐映戶秋窗虛展圖濡墨心脚蹶  
塵海光陰迅飛電故園松菊今何如

黃鹿湖太守寄示近作次呈

下筆詞源峽倒流匡時策並好詩留山川百粵多名世  
景物三邊獨倚樓燕寢新吟香繞閣龍編舊夢戰踰溝  
治平第一傳家業竹帛聲華壯宦游

匹馬衝雲敞玉門艱難輪轉試盤根歸餘蕙苴囊中物  
痛飲蒲萄塞上樽榻側憂深殷國計刀環夢斷弔忠魂  
梨花江外愁回首漢月淒涼照越村

卷六

九

疊前韻再呈

自笑微才第幾流名心虛說豹皮留因緣悟我三生石  
位置期公百尺樓一夕秋風涼鬢部五更鄉月夢邗溝  
勞勞近更多磨蝎掾吏何如馬少游

半載鵝城轍駐門燈宵談詠契心根光陰過客俄陳迹  
風雨懷人又一樽詩句緘來金薤字吏情清入玉梅魂  
白雲悵望遲歸隱黃葉江南自有村

用前韻感事

劃地功誰桐柱建防秋兵且玉關留王臣奉使逾三島  
節度籌邊老一樓門戶更聞通驃國疆場莫恃限鴻溝

秉鈞自爾勞長慮投筆何人副壯游

從無揖盜自開門厝火終憂伏禍根大局幾番供鑄錯  
書生百感付吟樽軍前電掣班師詔海外雲沈望帝魂  
聞說南交遺老在義旗慘淡擁荒村

一枕

一枕迷離夢孤吟去住情宦原如此薄詩豈便能名月  
幌涼秋影風簾憂夜聲中庭聊起步天宇湛虛明

爲殷還甫大令題看山灌園圖

昔我游惠山林泉識清美極望煙霞深末由覲君子作  
合天何奇一朝同萬里懽言展茲圖佳境宛重企溯君

卷六

十

司鐸年經師式多士日月閒官長搜羅富文史託興偶  
田間超心出塵裏儕我抱甕人悟我觀雲旨一峰青在  
窗數畝綠如綺於此將終身所求詎知己當路恥遺賢  
屢薦促南徙清清出山泉灌溉普郊鄙荒陬困積疴補  
救豈常技藉手甦蒼生勝羈好山水南陽輟躬耕盤谷  
老棲止丈夫不虛生隱現或殊理大用會乘時幽貞諒  
素履功成平泉歸草木皆色喜

感懷柬迪生午橋還甫

眼已觀棋冷腸憑得酒寬客懷催老易人事罷官難失  
笑論才命空談策治安世途開口慎放意幾交懽

徐福

十丈樓船一去賒童男艸女屬仙家三山賺得秦皇出  
幾使功成博浪沙

滄海君

力士能從索又空神龍變化世難窮子房一見無餘迹  
黃石深沈遜此公

三老董公

千軍縞素法征誅奇計何如范亞夫口舌羞爭隨陸輩  
新城見後一言無

四皓

卷六

七

靈芝燦爛老山中一駕安車入漢宮呂雉由來能擅國  
從容侍酒莫言功

昆明留別午橋卽送其歸兼訊袁丈迪生

草綠昆湖路別君無限愁他時憶君處雲水射湖秋  
權聚幾同里悽然又散時天涯淹客況誰伴老袁絲

次江底

千山不平氣終古怒如雷大石連雲潰奔濤蹙岸開文  
章爭險勢造物炫驚才絕逕通人處蒼峰路幾迴

綠樹扶巖半人煙忽幾家危樓懸石壁急水赴金沙峽  
破蛟無敵巢孤鳥不譁今宵乘醉臥一榻枕龍蛇

鎮雄送張參戎秀峰  
壯年身手戰場功，颯爽英姿笑語中。  
虎將知名齊伯仲，蛇矛殺敵是家風。  
雲搖畫戟蠻山碧，日照牙旗晚帳紅。  
鵝鶴聲閒鈴閣靜，論兵常喜一樽同。  
人重之，心重之，耳熱從君幾度酣。  
雄心乞與佩刀看，憂時願仗同袍賦。  
惜別奚辭載筆難，烏撒雲山猶氣肅。  
馬前風日未秋殘，迢迢樹影將軍盼。  
再見知應握手歡。

元旦

年又今晨換春會，昨歲還簿書。  
陳迹過樽酒，暫時閒事業。  
鬚眉際情懷，骨肉間自饒。  
新景象滿眼，欲青山。

卷六

三

送雁

衝霄去影夜離離，嘹唳聲中故國思。  
歸處不辭逾雪嶺，別來多恨在花時。  
一年風露吹應老，萬里關山到恐遲。  
知爾銜蘆工捍患也，愁長路羽毛疲。

觀九女殉難題名碑

碑在嵩明州之楊林驛，九女者皆驛人。  
警回亂，誓同死寇至，聚一室焚焉。  
州人重之爲泐貞珉。大書姓氏，余匆匆過，惜未備錄。  
謹爲此詩。井昔三姑著碑，今九女看芳名，俱鼎重叢塚。  
幾花殘劫已，秦灰冷人如趙璧完。遙知携手笑天上，不孤寒。

登大觀樓

高凌溟海一樓雄，映水窗開目四空。  
朝日關山金碧處，彩雲天地混茫中。  
桑田繡錯黔甯壤，草昧荒消楚躋風。  
何處煙波容我老，漁竿深入荻花叢。

題陳圓圓俗尼二像

紅妝人伴佛燈青，絕色真空總涕零。  
妾自回頭君相背，可憐同夢不同醒。

煙荒酒肆怨楊娥

事詳楊娥曲序

花草吳宮也，逝波恩重讎深。

人兩樣，不知家國恨誰多。

易水歌

卷六

三

湯湯易水蕭蕭風，壯士西去咸陽宮。  
烏頭不爲燕丹白，匕首欲使秦廷紅。  
國門酒罷肯雙裂，天上虹成殿頭血。  
披圖圖已窮，把袖袖還絕。  
舞陽膽喪不殺人，壯士死摸秦王活。  
嗚呼劒術云疎良，有之彼蒼意亦非。  
人窺不見他時筑，與椎無成乃復徒。  
嗟爲華陰鬼，出祖龍逝閻樂居然亡二世。

飲可園

乘暇小園至，朋簪集午晴。  
日臨芳樹暖，風惜落花輕。  
池綠春如酒，山青近入杯。  
莫將松菊話，觸我故鄉情。

送宋黃灣歸成都

南國方秋氣君行何所之故園今可老廉吏古難爲驢  
背殘詩卷猿聲舊夢思沅溪風日靜歸下著書帷

登觀音坡

突兀勢摩天人行馬不前螺旋孤逕仄蟻附一身懸兩  
氣烏蒙部江光白水邊慈雲吹亦散浩浩但松煙

次江安

江繞犍爲下人從犍道還愁來如亂水遠送獨蠻山一  
棹重灘外孤城斷角間坐看消永夜應有鬢毛斑

渝州晚泊

樓閣殘陽繞郭明古江州畔客停征水分內外宗干派

卷六

西

道倍江爲內水道大江爲外水山擁巴渝壯一城月裏帆檣人萬里天  
邊燈火夜三更嚴關風靜難成寐臥聽中宵鼓角聲

白帝城懷古

翠華倉卒悔東巡白帝遺弓故壘塵風雨三巴愁孺子  
死生一德仗宗臣江山氣作蒼梧恨宮殿煙霏碧草春  
太息登牀親受詔鄴中更有託孤人

舟下夔府

白帝砧聲聽有無西風吹棹出夔巫波濤漸老魚龍氣  
灑瀕難摧象馬羸杜甫詩懷悲落日公孫戰壘入秋蕪  
峴山兩岸啼猿苦弔古何煩到腐儒

觀八陣圖

蛇鳥猜神迹雲沙鬱古哀堪傷星易隕剩有石難摧激壯三巴氣淒涼十倍才含悲東去浪到此幾盤徊

自巫山至夔陵道中雜咏

絕岸長江瀉憑巖一縣闢山川夔子國雲雨楚王臺峽束天光窄灘撓水力迴嗟哉奇險創造物竟何才

跳石懸孤逕村名古亦新幾家荒峽地千載姓雷人

唐雷

萬春巫山縣之跳石人鑿翠巖成室耕煙水送春睢陽遺烈在如見氣嶙峋

天際下孤蓬濤飛石立中風煙秋岸斂山水蜀門雄亂

卷六

五

嶂愁邊翠殘燈夢裏紅歸程何日盡旅宿尙巴東

雲水思悠悠巴江幾滯留長波前去路曉日古歸州數

口隨孤艇鄉心共一秋篷窗時臥看青過萬峰頭

莽蒼夔陵道秋風共永歎兵民一火盡楚漢兩心酸

白起

燒夔陵陸遜拒昭烈皆其地也日向三巴暮江隨一棹寒沈吟今古事

海舶看翻瀾

朝暮黃牛峽古今蒼狗雲風波長浩渺攻守幾紛紜畫

鷁迴湍疾盤鴉廢壘分歸帆逕東下江漢遠云法

峽詠

岷江放東出鞭使羣山開裂如巨靈擘矗若長雲堆千

尋豁一縫百派搖層崑爭行迫狹路水石相崩摧巉巉  
兩巖對浩浩重淵迴千秋洩莫盡吼作風雨雷兩儀愕  
不顧薄曜中天迴人生驚便捷闖然行舟來

山骨摧難空幽潛鬱深恚氣激千灘橫勢凌百流沸一  
水騰如飛一水陷如墜回旋眾水來奪取吾舟戲船人  
奮前爭智勇亦兼濟觸旋從幾盤乘流驟一逝叱呼羣  
橈施力戰層波退默坐喪我魂危哉幾軒輕

瞿唐不可下巫峽亦何長西陵扼其口石劔森兩行深  
疑抉地厚峻欲摩穹蒼風雲鬱莫出噴薄含幽光我旁  
魑魅睨我下蛟虬藏老猿日悲嘯今古沈魂傷憂危怯

卷六

六

虛擬倚棹時徬徨無依駭削壁側下飛鳥翔

山連偶澗斷一往仍數盤幾家得絕壁冥冥人煙寒朝  
昏爽常候俯仰增愁顏峰垂若我覆疾去隨奔湍夜鄰  
幽怪宿晨起雲水搏陰森作餘悚駭愕成奇觀平生慣  
江海獨此窮巔屹飛橈快一出復我天地寬

江陵懷古

江漢周迴古郢城旌旗誰擁上游兵河山百代爭棋劫  
水月三更度榜聲津成風嘶長戰馬渚宮花冷舊啼鶯  
老瞞得隴成隍鹿失笑南來槩一橫

沮漳水與大江東王粲樓前目四空三國六朝頻擾擾

楚都秦郡等匆匆馬頭岸拆蛟橫雨燕尾洲荒雁叫風  
獨有登高佳興發龍山歲歲碧雲中

夜泊橫溪風雨大作

風雨亂江聲聲如萬馬行魚龍驕夜舞天地盡秋鳴人  
與殘燈悚舟從疊浪爭洞庭木葉下悵望又前程

洞庭湖懷古

渺渺洞庭水悠悠千載清曾煩神算運依舊岳州名秦

以州名同武穆  
王姓奏改純州

廢壘君山渡悲風落木聲男兒期報國

流涕復論兵

舟中夜雨不眠因念百生長兄之病

卷六

七

客路三湘遠天光五渚寒人方依雁宿夜到聽雞殘荆  
樹秋風苦篷窗淚雨酸竟愁歸我晚一見此生難

題下伍樵卷懷圖像

是人泣玉卞和後伍樵其字春也友七尺軀抱懷中奇  
收之一握放九有躑躅州雪燕臺塵聽巴山雨披瀟雲  
馳驅熨燮蕩江海意氣揮霍皆經綸虞詡孤身幾盤錯  
士元驥足猶卑託掉頭逕去珠湖鄉擺脫衣冠日清酌  
丈夫腹少惟時宜仙仙眼眼終奚爲舒不盡舒卷亦得  
鵬飛鷁退何然疑嗚呼平生足迹數萬里入手功名聊  
爾爾君爲此圖可意知我藏我拙亦今始斯言不渝有

如水

海琴仙館詩鈔卷六終

卷六

六

